

# 北洋官報

目錄

宮門抄  
 交旨  
 奏議○學部奏直隸天河師範學堂簡易科畢業請獎摺  
 △鄂督陳夔龍陸匪已平靖現籌善後清鄉辦法等摺  
 公牘○請事會函覆一件△董事會申一件△冀州稟一  
 件△晉稟詳一件  
 文告四則△電報五則△新聞十二則  
 彙編○稅務學堂章程  
 圖書○湖北宜昌第一圖

本報今日加印照片一頁

## 宮門抄

五月初二日 內務府 八旗兩翼值日 學部引 見五十一名 潤貝勒等由 西陵回京請  
 安 振貝子前往日本請 訓 增崇因伊子得 賞廕生謝 恩 順王續假五日 櫛貝子續假

十日 馮國璋請假十日 慶隆 鳳來 宗樹枏 達春 光裕 崇耀伺候 召見 掌禮司奏初三  
 日祭 奉先殿倫貝子行禮 召見軍機 振貝子 慶隆 鳳來 宗樹枏 達春 光裕 崇耀

洵貝勒等會議政務處各遞封奏一件

## 交旨

五月初二日 軍機大臣欽奉 崇陵工程情形一摺知道了欽此

諭旨貝勒載洵等奏現修 崇陵工程情形一摺知道了欽此

諭旨會議政務處奏議覆翰林院侍講阿聯斌缺司業陸恒奏陳學務一摺又片奏議覆御史石長信奏請改兵備

道爲兵備使司應毋庸議等語均著依議欽此

諭旨出使比國大臣楊樞著賞給二等第一寶星欽此

諭旨署農工商部右丞左叅議祝瀛元外務部左叅議周自齊候補三四品京堂署農工商部左叅議誠璋均著賞

給二等第二寶星直隸候補道馮國勳著賞給二等第三寶星欽此

# 奏議錄要

## 學部奏直隸天河師範學堂簡易科畢業請獎摺

奏為直隸天河師範學堂簡易科學生畢業照章請給獎勵恭摺仰祈 聖鑒事竊臣部前准直隸總督咨稱據署直隸提學使詳稱天河師範學堂簡易科學生自光緒三十一年六月及三十二年正月先後入堂肄業至三十四年五月畢業學科程度均屬完備擬請將考列最優等之祝永圖等八名考列優等之封汝誠等二名分別遵章比照初級師範中等下等給獎以資鼓勵詳請轉咨等情相應將清冊同試卷成績咨請查照核覆施行等因到部曾經臣部咨覆該學堂學生等肄業年限有三年或二年半者應飭造具歷期歷年考試各科清冊送部核辦在案現據提學使轉呈該堂造送學生歷期歷年各科分數表前來臣等查定章師範簡易科由官設立年限在二年以上成績優著者得請獎勵該學堂學生等入學之初雖未免先後參差然皆畢業在二年以上覆數送到試卷大致可觀惟各科程度尙有較淺者又該堂所算分數亦與定章不合經臣部詳加校閱將各科試卷分數酌為核減並均照定章改算計得最優等四名優等六名自應照章獎勵所有列入最優等之祝永圖姚金紳孫士琛胡榮藻等四名應比照初級師範中等獎勵擬請作為師範科貢生以訓導用令充小學堂及程度相當之各項學堂正教員俟義務年滿以應升之階儘先升列入優等之葛立章劉高第李爾圖陶慎儒封汝誠曹秉鈞等六名應比照初級師範下等給予及格文憑令充小學堂及程度相當之各項學堂副教員俟義務年滿作為師範科貢生獎給訓導銜以資激勵所有直隸天河師範學堂簡易科學生請獎緣由謹恭摺具陳伏乞 皇上聖鑒謹 奏宣統元年四月二十七日奉 旨依議欽此

湖廣總督陳夔龍奏安陸府屬匪徒焚掠一案業已平靖現正妥籌善後清鄉辦法並查明知縣被案情形摺奏為安陸府屬匪徒焚掠一案業已平靖現安籌善後清鄉辦法並查明知縣被案情形恭摺據實覆陳仰祈 聖鑒事竊臣於宣統元年三月二十日承准軍機大臣字寄三月初八日奉 上諭有人奏湖北安陸府屬各

縣盜匪聚眾焚掠知縣畏匪釀亂一摺著陳夔龍嚴飭營縣查拏首要各犯務獲懲辦以靖地方並將縱匪釀亂之知縣陳勛修查明奏參原摺抄給閱看欽此遵 旨寄信前來伏查安陸府屬京山一帶匪徒聚眾滋事臣於閏二月十七八等日據署湖北安襄鄖荆道施紀雲安陸府知府張履春先後電稟當即電飭水陸各營汛會合兜

拿獲又調派陸軍一營拔隊前往協力堵緝該府縣各官於起事數日內即已拿獲要犯多名並將匪首劉白七一 名等獲經臣於閏二月二十二日電請軍機處代奏二十三日奉到電傳 上諭隨時嚴飭欽遵在案茲奉 寄諭復分別嚴飭文武欽遵辦理一面遴委湖北試用知府呂曾前往匪亂地方嚴密訪查稟覆諱將匪亂緣由及

辦理情形爲我 皇上縷晰陳之此案先因匪徒張慈幅與匪徒龔士英將張慈幅斃匪首劉白七招集匪類聲言爲張匪報仇龔士英即招黨相拒匪黨愈聚愈衆各有二百餘人因之恃衆搶劫劉白七旋率黨燒燬龔士英巢穴附近之同與場等處均被滋擾民間畏匪尋仇隱忍不報署京山縣知縣張德柄於本年二月甫經到任閏二月初五日一聞屬境有匪即與城守營把總同出緝捕一面整頓團防一面稟請本府派撥練勇安陸府知府張履春聞報即密派郡城隍工練勇哨弁帶勇二十名會同安陸營都司李國明帶兵十名於初九日馳至京山之水隆河一帶彈壓查拏獲匪八名解赴京山縣審辦該匪徒遂乘隙外竄署安襄鄖荆道施紀雲聞警隨即電稟經臣飭派左路巡防隊管帶候補守備陳德元率勇八棚前往並行知襄河水師中左兩營就近協助仍恐匪衆兵單復檄派駐省陸軍一營星夜開往當安陸隍工哨弁與京山把總追獲匪目之時匪徒本已潰逃乃探悉弁勇解犯進城逆料大兵一時必不能到十七夜在洪山廟聚集多人竄至京山之多寶灣適水師中營師船已到匪遂折回於四更時分竄至鍾祥縣屬之血口放火搶劫署安陸府血口同知孫曾蔭即刻調集團練救火一面督同鍾祥縣派往之勇役追捕登時擒獲吳吉祥楊厚德兩犯該匪黨遂紛紛四散鍾祥縣知縣張樹森星夜趕往鎮撫查勘計被搶十一家被燒大小民戶三十家戕斃同知署皂役一命數日之間京山潛江天門三縣亦各率團勇差役先後在各鄉拿匪首劉白七及匪黨多名均在血口與該府張履春會籌堵緝吳吉祥楊厚德兩犯經該府提訊直供煽衆燒搶不諱電稟到臣當飭就地正法劉白七一犯格傷甚重旋即斃命此外尚有數匪係各縣當場格斃者其餘已獲各犯如訊係匪中悍目應仍飭隨時正法餘犯則錄供擬辦龔士英一犯與劉白七同爲匪首現尚在逃仍嚴飭各營縣務獲嚴懲毋任漏網此安陸匪徒滋事由臣督飭該地方官等緝拏懲辦之實在情形也至原奏所稱天門嵩團等處燒搶一節查此次匪徒並未擾及該處據現獲各匪亦未供有在張家祠堂分贓情事署天門縣知縣羅慶昌治盜素嚴並無報案不究之事又原奏京山盜案尤甚一節查匪首劉白七率其黨羽齎集該縣南鄉距城寫遠小民被害或因失賊無多或因畏匪尋仇多不報案尙非地方官諱盜不稟至楊宗鑑家被劫一案已經該縣勘驗通報在前其拖船埠地方實無焚掠之事此次匪徒所過之處有搶去布疋衣物者均經該縣查明捐廉撫恤又原奏夏家場聚匪二千餘人一節查京山陸家寨夏家場楊家洪及潛江之白家台一帶素爲盜賊出沒之區臣疊經

嚴飭各該地方官認真訪緝去歲冬防適前任京山縣知縣張受中抱病未出捕務不無鬆懈匪黨因此生心或不免惟夏家場聚集之區並無二千餘人之多該員張受中業經臣於甄別案内奏明開缺示懲現署京山縣知縣張德柄到官未久一聞匪警卽首先赴鄉緝拏辦事尙屬勤能至京山縣知縣前任張受中現任張德柄並非陳劭修鄂省官册亦無陳劭修之名惟潛江縣知縣名陳福蔭而潛境始終未曾被匪且劉白七一犯卽係陳福蔭督團拏獲原奏各節情事多有不符自係傳聞之誤此查明該府屬各縣尙無諱盜縱匪等事之實在情形也臣查此次匪徒倉卒起事其初聲勢甚大鄉民間變逃逸擾攘異常各該縣不分畛域合力兜拿乃得於數日之間卽就撲滅雖事前防範稍有未周而赴機迅速巨患頓銷核其功過尙足相抵應請毋庸置議惟地方雖已救平而善後事宜尤以清鄉爲要務臣已督飭安襄鄖荆道安陸府知府安定善後章程責成該地方官認真遵辦以紓 宸廑至近年錢荒物貴無業者多人心不靖半由於此舍休養生息外別無清源弭亂之方此又微臣所日夜兢兢不敢視爲緩圖者也除仍嚴飭營縣緝拿逸犯龔士英等務獲懲辦外所有安陸匪事平靖現在辦理善後及查明知縣被參各情形理合恭摺據實覆陳伏乞

皇上聖鑒訓示謹 奏宣統元年二月二十七日奉 硃批知道了仍著督飭府縣營隊嚴拿首要務獲懲辦並將安襄一帶地方緝捕事宜認真整頓毋稍懈弛欽此

### 公牘錄要

#### 天津縣議事會函覆津浦鐵路大臣勘設車站情形文

敬覆者頃接鈞函內開津浦鐵路北段開工已將一載現自良王莊以南土工一律告竣惟天津車站屢次查勘勘得南關外地勢寬廣堪設車站業經批准飭令購地局丈量購置數月以來屢傳地戶未能到齊且有抬價居奇情事風聞其中輻輳甚多以致近日外間議論紛紜查津站關乎全局一須地勢高廣二須與城市交通便利三民間廬墓必須避重就輕四地價必須合宜以上各端亟宜再加研究現飭孫道鍾祥張直牧廣建重加履勘以求至當素審貴會熱心公益此事與津郡商務大有關係擬請貴會公舉二位會同孫道等前往調查就已勘路綫其應設車站究以何處最爲相宜備具圖說仍候敝處會同 北洋大臣核定庶裨路政而孚輿論想貴會亦必共表同情

也除函致商會外專此奉懇等因議員等公同核議僉謂敝會原有協議工程定章津浦鐵路雖關全省大局而以天津議會與議津站所在地自在權限之內違即舉定敝會議長王劭廉副議長胡家祺代表會同履勘專候示期即行前往惟敝會辦事章程代表之人無擅自定議之權決定後據議事會法人資格陳述意見以備採擇再此大承囑會同調查應設車站究以何處最爲合宜敝會自應認定範圍辦理合併聲明肅此敬請 鈞安伏希 監

天津縣董事會申津海關道查明海河各村無第二次拔樹情事並請飭傳石柱三等訊究文

爲申覆事案於本年四月十四日接奉憲台札開爲札飭事本年四月十二日准海河工程局函稱前據富工程司報稱本局從前在第三段海河舊種樹株萬餘顆現又被該處村正副率領居民人等全行拔除淨盡實屬目無法紀定必責令照賠相應函致即希查照迅爲併案核辦見覆望速施行盼切之至等因准此查此事前准該局函覆辦法三條業經札飭核議在案乃彼此正在商辦之際民間又有暴動之舉實屬囂張已極亟應由縣查拏首事嚴行懲辦以儆效尤一面仍會同該會將該局前擬辦法悉心核議決定可否具報以憑交涉除稟報 北洋大臣查核並分行外合行札飭札到該會即便遵照辦理此札等因奉此當經派員往第三段廢河查看該處樹株係在三月初間海河各村人拔樹秧時同時拔倒所餘樹莖尙存並無第二次復拔情事詢之海河巡警二局據覆相同本月十九日復據海河四十七村代表人范從周孫鴻賓周汝珍楊春泰說帖聲稱搆謀栽誣設計陷害懇乞分詳列憲飭提訊究以免冤縱而成信讞事竊於本年二月間海河工程局在舊河栽樹堵壩民不堪命各節當經稟蒙權憲諭各村民扒壩拔樹乃拔猶未盡復奉縣尊親往諭令未拔者勿拔并飭各村正副協同巡警留意看護是以遺留之樹無人拔除突於本月初間李家樓村正徐紳向各村正等稱伊聞鄉人云屢見石柱三所派之看樹人夜間伐樹遂即稟報海河二局一區苗區官派警搜查先後在李家樓看樹人綽號撞天李名李成發之胞弟李成德家搜出樹株百餘顆當經苗區官將李成德責釋忽於十五日貴會派員赴各村查詢謂海河工程局復控村正等率衆伐樹等情猝聞之下始恍然看樹人伐樹之意實爲石柱三使以爲誣讖地步詭計害人令人髮指惟有據情懇乞詳請 督憲權憲飭縣傳同石柱三李成德到案訊究不難水落石出爲此聯名陳訴懇請迅與施行等因據此

董事會覆查撞天李之弟李成德偷取樹株經各村正報由巡警局查獲各情海河二局一區有案可稽該代表人所陳石柱三峻使看樹人偷樹以爲誣讒地步自係實情查此次佔地栽樹係石柱三等有應得之罪惟海河工程局既已承認該淤地應由董又名樹興公司倚託海河工程局藉勢橫行前此築壩截水妨害各村民命並強佔錢金鋪民地栽樹奪人血產近又縱人拔樹設詞朦報誣告各村似此種種擾民石柱三實有應得之罪惟海河工程局安信石柱三一面之詞以致又生枝節惟有懇請憲台向海河工程局聲明石柱三擾民劣跡飭傳到案嚴行究懲以儆效尤而順輿情不勝禱盼之至所有查明海河各村無第二次拔樹情事並石柱三藉勢擾民請傳究緣由相應備文申請憲台查核敬祈速賜施行實爲公便須至申者

## 冀州祝苾苴稟農務分會文並批

敬稟者竊於上年案奉農務總會札開奉 農工商部頒行農會簡章飭即遵照辦理分會並公舉總會董事員等因當即轉行耕荒善後局董會同勸學所員紳迅妥籌議去後卑職伏查卑州地味瘠薄向多沙城本地物產不足以供本地食用人多流徙販買在外農事愈欠講求地利益以放棄確鹽橫溢奸宄游惰坐食其間加以從前漳滏河流年年泛漲流離昏墊迄無定居近年則遭遭亢旱間以蟲災是以民食維艱雖中稔之歲小康之家平居必以糠粃雜食天時使然毋亦人事有未盡者乎考虞書修明府事土穀維先洪範農用八政周官太宰以三農生九穀近今歐美各邦競以工商立國學識之士仍推本於農謂爲工商之母誠以國家興民立事人羣建命裕生未有不源淵於此者也况卑州新承禁私之後鹽城田疇彌望皆是一切墾荒勸業改良種植變化土宜息息研究有待尤不可無樞紐考求之地與夫模範實驗之區爰迭進各紳耆將奉飭前因董勸提倡促早成立茲據張紳廷湘馬紳維周方紳安墉公同議定分會試行章程三十五條附農事試驗場農品陳列所兩項專章呈請核轉並議先在勸學所借地開會暫不收納會費遵章設董事三十人分飭勸學員按照定章資格各舉三人亦已一律選送到會覆查皆屬合格即開正式會議公推劉紳世斌充膺總理兼總會董事員一面先在常家宜子一帶擇地建立農事試驗場一處仍從耕荒種藝入手在保定公益鑿井公司訂立合同選匠來場開鑿井泉以利灌溉而資仿效經費前

經卑職稟留挑濬新河餘款銀八百五十二兩八錢二分八釐作為該場開辦之用業蒙運司核准詳明飭知在案遵即如數指撥並將本年續領耕荒經費銀二千兩發給俾資築場開井及儲買農具牛隻暨一切試驗物品耕荒事宜即歸併辦理藉節糜費陳列所設在城內擇市廛較近之區開舍開辦凡有關農事新書新器雜糧籽種收穫成績寄售物件一體收列俾衆縱觀以開風氣款項即在試驗場經費項下勻撥設管理一員兼由場董稽核如此有分會以爲總議機關有試驗場陳列所以爲實習觀摩之地庶幾羣情鼓舞利便研究舉前此生寡食衆之憂水溢旱荒之病不難積漸挽救而爲目前之計則於改變鹽荒尤有切要關繫是否有當仰祈 訓示遵行所有卑州籌設農務分會暨農事試驗場農品陳列所兼舉總會董事員緣由繕具章程名冊呈乞 鑒核俯准立案實爲公便專稟敬請 鈞安伏維 垂鑒 (章程另錄)

督憲楊 批如稟立案仰農務總局查照飭知冊摺存此繳

晉臬志詳設審判廳事宜文並批

爲詳請核示事案查前奉憲台札開准 憲政編查館咨欽奉 上諭宣統元年應行籌備事宜內開一籌辦各省省城及商埠等處各級審判廳法部各省督撫同辦等因欽遵在案竊思憲政宗旨以勤卹民隱爲先司法機關以改良裁判爲急蓋分爭辯訟爲民命財產所關審斷偶失其宜受害將無底止是以憲法大綱於第二年限即列入籌備審判廳一節所以重民事而收法權端緒至爲宏遠本司忝陳臬事責無旁貸深慮從事失時查直隸開庭最先規模粗具其時未有部章故猶因陋就簡使行政兼掌司法與 朝廷遵重法權之旨未能盡合今則審判官制及法院編制法各級審判試辦章程均由 法部大理院先後 奏交 憲政編查館核議未經議覆之前 奏准先行試辦奉天吉林爲新設行省已經分設審判各廳晉垣近在 畿疆自火車通行商賈輻輳民刑各案日漸增加屈計憲政次第年限籌備審判各廳實爲刻不容緩惟事屆創始頭緒紛繁若不詳度周咨何能集思廣益本司再三籌度擬請先設審判廳籌辦處遴委熟悉中西法律人員到處研究凡調查法制訂定章程以及建築估工會計文牘各事宜妥爲籌議仍由本司督同辦理以昭詳慎而期周密該處籌辦一切自有隨時應商之事若另立公所需費較多與司署聲氣亦形隔閡查本司前辦審判廳傳習所即在署內西院設立頭班畢業共得五十員

前已詳請 奏咨立案此項人員將來省城各級審判成立足數分布本應續招二班派往各州縣審判之用但查立憲年限宣統三年籌備各府廳州縣審判廳宣統七年成立是此項人才各州縣尚非急需不妨緩招二班即以傳習所之講堂爲籌辦處之公所該處籌備時間數月即可竣事彼時再行開辦二班如此一轉移間籌辦處既免賃屋之繁傳習所亦無後時之慮似尙一舉兩得該處所需經費本司掙節估計每月約在二百金之譜刻下庫儲支絀未敢遽行請領擬請於司署暫存罰金項下先行借用俟將來審判廳成立於開廳經費項下撥還歸墊至應派人員查有分省補用知府趙儼歲候補知府孫家振即用知縣周文瑩法政畢業生周先德均係法政法律畢業人員擬俟奉憲批准後分別札委爲籌辦處辦事員每月只給夫馬費銀兩不支薪水以外應用書記員臨時再行酌訂除分咨外所有遵限設立審判廳籌辦處各緣由是否有當理合詳請憲台查核伏候批示祇遵

晉撫寶 批審判廳爲本年應行籌備事宜省垣即需成立擬請暫緩招考傳習所二班即該所講堂爲籌辦處並在罰金內借動經費將來於開廳經費撥還均可照准仰將所擬辦事各員分別札委即日開辦可也毋違切切此繳

### 文告錄要

督憲批示錄要○第四鎮詳代理執事官王蔭棠排長路登江請補實由 批據詳已悉如擬補實薪水即自四月分照章支給候行糧餉局查照札委隨批併發仰即轉給飭遵繳○東明縣稟典史趙方蘇禁種罌粟出力可否調補優缺由 批據稟已悉仰布政司查核詳辦並移禁煙總局知照繳

藩台批示○滿城縣文生趙鍾元等稟前縣吳令將推租之旗地粘有賣契之尾紙應如何辦理請示遵由 批查前據廩生楊鈴等來轅稟控前任吳令違章勒稅苛罰業經飭府委查茲據該生等所稟情詞雖核與楊鈴等稍異惟同關契稅仍候札飭保定府查明迅飭原委之員併案會同現任王令確切查明詳覆本司核奪該生等即回籍靜候可也此批○赤城縣學董張濱等稟請剔除斗牙中飽改爲公辦餘充學費由 批所擬辦法是否可行仰候飭縣體察情形妥訂章程通稟核辦仍候 督憲暨提學司批示可也此批

保定工巡總局批示○清涼城村正李鴻勳等具稟一案 批查李雲嵐與王玉山等皆係案內情罪較重之犯前

次堂訊不爲深究僅予罰充苦工本屬格外從寬核村正等何得不思寬典爲其飾詞請保不准○民人司壽山具稟一案 批候傳飭該管分局查啓前封發給具領爾即覓同妥保前赴該局聽候查辦可也

保定籌款總局告示○爲出示曉諭事 照得菸葉收稅自光緒二十八年冬間辦起 到現在已經七年了 雖說是一律收稅 其實不完稅的也很多 大約是好百姓 好商人都照章遵辦 要是刁狡些的 他便出了多少規避的法子 比如秋天 菸葉子收割到家 要問他完稅 他便說我還沒有賣呢 要再問他

他更會說 我永不賣了 還留著家裏吃呢 其實他早偷著勾通牙子 多許他幾個錢 替他賣給別人

了 看著巡役有個查不到的地方 或是黑天半夜 裝上車駝上騾偷偷的拉著走 除了這個時候巡著

他 他沒甚麼說辭 稍一差時候 他將煙卸到了別的地方 要再問他 他又會說了 他說我是借地

存著 還沒有找著賣主兒呢 如何能完稅呢 其實他也是賣主 也是買主 不過這一刻工夫 沒有

憑據 便不認他販私 要人人如此 那稅務還能辦嗎 然要一時從嚴 又恐真個百姓沒有賣的煙葉

遇見地痞土棍 硬說他是販私煙 那個流弊 就更多了 現經本總局特爲想一個法子 可以把這

兩樣毛病 統同去淨 就是查畝一法 業經詳奉 欽差北洋大臣直隸總督部堂楊批准 恐怕大家

不知道 合先出示曉諭 爾等種種煙農民 嗣後凡係種種煙稍多的州縣 均於煙葉長成時候 經分局派

員司 協同村正副及地保 到煙地內 查明畝數 註了底冊 發給票子 准你們拿著此票 到市上

賣煙 令賣主完稅 決不要你們種戶格外拿錢 你們也不得私自花錢 希圖少報畝數斤數 一經查

出 還要重辦的 要是員司訛索要錢 准你們就近告知地方官 稟明本總局 必定從重治罪決不寬

縱 其各懷遵 切切特諭

## 電報錄要

路透電○俄皇與德皇日昨在布卓爾克地方相會俄皇至德皇所乘之快艇赫漢塞洛恩號拜晤德皇德皇亦至

俄皇快艇司丹德爾號答拜并同俄后小宴

又電○俄德兩皇在布卓爾克地方相會時有俄國戰艦保護先燃空炮致敬後開炮擊射英國紐喀斯德地方輪

船烏德布恩號因該船擬由相會之地經過船中汽鍋被俄炮擊毀并傷一人現該船在德國福理德沙温地方修理後即駛回英國并將受傷之人送往醫院調治

又電○華盛頓電稱美總統戴夫德氏提議徵收社會進款稅擬值百抽二現預算可得五百萬鎊按徵收此稅之意原以監督社會進款云

又電○俄國威伯克電云俄京日昨開工建造德瑞納提號式之大戰艦四艘均用本國材料圖式係仿英國并由英人監造

柏林電○傳聞俄國兵隊若由波斯舊都達布利斯撤退恐該處又有亂事云

## 新政紀聞

政治

監獄傳習所考試畢業○江南監獄傳習所自去臘開辦迄今已扣足六個月照原定章程應考畢業現已詳請督院批准即以二十五日為始分門考試聞各學員對於考試畢業一舉頗興高彩烈莫不希望列於最優等云  
稟明改良監押房屋○江蘇前署通州田寶榮直牧交卸州篆時具稟各憲略云通州監獄房屋低狹潮濕穢污不堪押所待質化莠等所亦復相似亟須改良遂即會商州紳張譽等公同往勸由署州捐洋四百元以為之倡並擬請接任之員每年攤捐四百元以五年為限可得二千元一俟動工購料即當籌墊將來歸入交代作現交抵一面邀集紳商學界及各董等開會籌議並將捐冊分送各界咸樂贊助當場承認及署州所籌約得五千元之數鄉鎮所捐尚不在此似此踴躍當能集事惟署州現即交卸赴滬所有地址如何擴充捐數如何收集工程如何營造未能預定已商允歸自治局一手經理用正式公文往來以昭大信現正繪圖雇工辦理已移交新任琦牧接辦等情稟乞示遵

湘省議事廳擇定地址○本年九月初一日為各省諮議局成立之期湘省應設之議事廳業由岑中丞札飭司道會同趕速擇定並籌備經費詳請核定以便尅期興築無誤限期現在已經擇定北城富有坪泰將衙門拆卸改造由岑帥諭將泰將衙門移至右營遊署其遊署移至如意街左營守署不日即當以次遷移以便騰出基址為

### 建築議廳之地

#### 學務

高等學校升學辦法○學部咨照江甯學司云查江南高等學堂預科甲班學生已滿學期者應行舉行攷試畢業其未滿學期者應行分別升學以籌補習勿庸仍在本堂補習云

僧教育會籌款問題○安慶紳士日前致江督端午帥電云皖省緇流甚衆必須教育早興已於初八日開會到者甚衆捐款亦多紳等現稟蒙撫藩列憲允准撥款爲助務求大公祖俯賜撥實爲厚感迎江寺僧月霞品學兼優經公舉爲會長並陳盼復洪思亮姚永概趙繼椿趙會重余錫疇孫多祺同叩江督卽電覆云電悉皖省僧教育會敝處當助開辦費四百元卽撥匯鈞處轉交該會具領並望轉告姚趙余孫諸君方感

定海教育大會情形○浙江定海學界藍開助等十數人發起教育會上月十九假學署明倫堂特開大會到會者史司馬沈教諭以次八十餘人由丁紳中立張君弗坨登臺演說教育會之性質公推法政畢業生司選科課員方壯猷君宜佈草章籌議經費借裁缺學署爲會所用連舉法公舉正副會長開闢檢票最多數爲丁紳中立藍紳開助均得五十二票公議丁藍票均請沈教諭籤分正副丁紳得第一籤爲正會長藍紳爲副會長次舉評議各員至開闢檢票畢時已八句鐘矣遂於次日午後兩點鐘再議分配職員方法

#### 軍政

札訂領用實心子彈辦法○江督端午帥札長江水師營務處文云准長江提督軍門程咨開本軍門在岳州行次校閱水操打靶適有署沅江營前哨守備萬鵬程舢板砲傷署荊州營後哨守備蔣慶應身死當經飭據岳州鎮派員查明面稟維時正當操演蔣慶應砲船在前萬鵬程砲船在後正欲駛出港口打靶萬鵬程因該船新換快砲恐臨時錯亂預將子彈裝入試驗誤觸機關以致彈斃守備蔣慶應等語當將該署守備萬鵬程先行撤任發交巴陵縣收審咨請湖廣督部堂掣銜奏斥革以便歸案審辦相應咨明查照等因查長江水師各砲船平時操演本祇准裝用空壳藥彈其實心子彈須俟校閱考驗時始准裝用原爲防患未然起見惟各砲船均預有領存實彈儲用稍一不慎最爲肇禍此次萬鵬程砲船既因預裝實彈誤斃守備蔣慶應嗣後似應另訂辦法凡實

心子彈一概不准各砲船預領俟臨時節酌定需用若干隨時如數照發併派員督察裝放以免危險而昭慎重合併札飭札到該道即便轉行丁統領暨通飭所屬各師船一體遵照

陸軍小學頭班畢業○安徽陸軍小學堂頭班肄業生於本年四月間爲畢業之期現經該堂汪監督擇於上月二

十四日起至二十九日止將歷年所授課程分別考試并詳請皖撫親蒞該堂監試以定優劣

奉委兼統廉防事宜○廣東廉欽道龔觀察心濤調任雲南不日卸篆赴滇遺缺以廣肇羅道蔣觀察式芬調署聞大吏以蔣觀察辦事實心此次羅定匪熾派委督辦次第勤平現廉欽匪亂初平亟需能員籌顧方能得力龔觀察所統廉軍各營日前已奉札一併由蔣觀察兼統並總辦營務處所有薪水經費由善後局照章支給

民事

查明違犯煙禁各戶○直隸禁煙總局查出廣昌縣除已領營業執照之華南膏店義合膏店會友膏店三家外計

未領憑照之劉永丕等六家未領牌照之吸戶曹永發等二百九十三名已飭令分別禁辦

咨會皖北禁煙情形○江督端午帥咨安徽撫部院云本部堂前以禁種罌粟非會同鄰省通力合作難收速效而安徽各屬爲兼轄省分關係尤重當經札委補用知縣李瑞懋陳錡陳應綬前往會同貴治與江南徐州府屬交界各州縣查禁茲據各該員等回省將所查情形分具清摺呈報前來查泗州宿州所屬各鄉或先已拔除或尙有餘苗現飭劃盡靈璧縣所屬各鄉或本未栽種或早已剷除相形之下可見靈璧縣禁令嚴切故能成效昭著而此次泗宿鄉民望風先剷亦並非禁令難行之區全視地方有司奉行何如耳現既一律剷除尤應嚴申後命相應抄錄原呈清摺咨請貴部院飭行泗州宿州靈璧縣再行加意嚴查自此大剷除之後本年秋季間不准再有私種犯即嚴懲其靈璧縣應如何酌予記功以示鼓勵並請貴部院酌核辦理

撫輯獠民之計畫○桂省猺山毘連柳平潯梧四府綿延百里林密山深猺民勇悍善鬪匪黨恒倚爲巢穴以致近日黨徒猖獗大爲地方之害經撫院嚴飭文武嚴辦去後現三十六猺均出歸化當飭平樂府歐陽太守善爲撫輯並電商督院以粵西通省皆山兵難深入猺民山居習慣現當嚴行清辦之際若用之搜山必奏奇效刻已札飭歐陽太守傳詢猺目酌議稟覆

## 稅務大臣奏定稅務學堂章程

### 第一章 總綱

第一條 本學堂爲稅科專門以造就各關辦事人才爲宗旨學生以深通中外文字研究理財商律條約及關於各項稅務學問爲成效尤以敦品勵行通曉倫理諸書爲進修之實踐

第二條 本學堂管理教育等章悉照學部定章參酌本學堂情形核實辦理

第三條 本學堂學生分本科補習科本科分四年級以四年爲畢業補習科所授課程皆本科基礎之學以備每年考補本科之用一經升補卽爲本科生

第四條 本學堂開辦第一年考取學生三十六名爲本科班五十名爲補習科班以後每年本科班遞升學年一級所遺本科第一年學額准先由補習科生考補凡程度及格者遇缺推升不及格者仍留原科再習其不足額數由外招考插補至補習科生每年應行續招多寡視屆時該科班缺額若干爲衡以期補足原定五十名之數統俟本科期滿畢業方能給予畢業文憑認爲本堂畢業生

第五條 本學堂本科學生以年在十六歲至二十二歲經各省中學堂及中學堂同等學堂畢業其中英文造詣較深品行端正體質堅實者爲合格由本堂考試錄取方能入學

第六條 本學堂補習科學生以年在十四歲至二十歲經各省中學堂及中學堂同等學堂畢業品端體健者爲合格由本堂考試錄取方能入學

第七條 本學堂創辦伊始查現在各省中學堂及中學堂同等學堂畢業學生人數無多一時萬難如額選補以故開辦時招考章程不得不略事變通凡經中學畢業或與中學畢業有相當程度者亦從權考取一俟將來各省中學堂及中學堂同等學堂畢業人數充足再按第五第六兩條辦理以符定章而歸劃一

第八條 本科學生飯食寄宿及所需教科書籍筆墨等項概由本學堂暫行備給惟不另給津貼

第九條 補習科學生每名每年酌收費用龍銀一百元(學費三十元膳費五十元體操衣靴費二十元)分兩次繳納於入學時先繳一次嗣後於年暑假後開學前分次繳齊其在本學堂寄宿者每年另納寄宿舍費龍銀十

元(寄宿學生以離堂路遠者爲限)均須如期一律清繳方准隨班上課

第二章 課程

第十條 本科應授學科程度及每星期鐘點列左

第一年 漢文學科程度每星期鐘點 人倫道德(摘講宋元明 國朝諸儒學案)一 中國文學(選讀古文淵鑑及歷代名臣奏議兼作文)六 歷史(中國史)二 英文學科程度每星期鐘點 英文(會話 譯解 作文 信函)十二 算學(捷算術)三 地理(中國商業地理)二 法學(法學通論及民法)三 理財學(理財通論)三 物理及博物(物理)一 歷史(普通歷史及商業歷史)二 體操(柔軟體操)三 合計三十八

第二年 漢文學科程度每星期鐘點 人倫道德(摘講宋元明 國朝諸儒學案)一 中國文學(選讀古文淵鑑及歷代名臣奏議兼作文)四 歷史(中國史)一 條約(普通條約及通商條約)二 英文學科程度每星期鐘點 英文(會話 譯解 作文 信函)十一 算學(捷算術)二 地理(各國商業地理)二

法學(商法)二 理財學(商業理財政策)二 物理及博物(衛生)一 商業學(各國商業歷史及國際商業政策)三 外國語(俄法德日每生派習其一)(會話)四 體操(器具體操)三 合計三十八

第三年 漢文學科程度每星期鐘點 人倫道德(摘講宋元明 國朝諸儒學案)一 中國文學(選讀古文淵鑑及歷代名臣奏議兼作文)四 歷史(中國史)一 條約(通商條約 約章成案)二 英文學科程度每星期鐘點 英文(會話 譯解 作文 摘要 公文)十 算學(捷算術 各國度量衡制度考)三

法學(國際公法及國際私法)三 理財學(財政學通論及租稅原論各論)三 貨幣學(各國貨幣制度考)二 商業學(外國貿易論及保險論)二 外國語(俄法德日每生派習其一)(會話)四 體操(器具體操)三 合計三十八

第四年 漢文學科程度每星期鐘點 人倫道德(摘講宋元明 國朝諸儒學案)一 中國文學(選讀古文淵鑑及歷代名臣奏議兼作文)三 條約(通商條約 約章成案)一 英文學科程度每星期鐘點 英



湖 北 宜 昌 第 一 圖

梁粹珩翁正頭經紀也寓香港之德輔道門牌第二百一十四號日昨惠來華翰詳述親得韋廉士大醫生紅色補丸之奇効而筋力得以復元以爲有病者問津之助來書云○弟六載前自受室之後即覺氣體兩虧面黃似土而骨瘦如柴眼起黑暈兩眶深陷週身困憊精神毫無有生不如死不如無生之嘆食量減少不分早夜腰背疼痛夜不成寐惡夢瀕盈清早起來倦容反甚且也腹胃不和大便閉結風火不調舌起黃胎加以痔瘡爲患流血不止延

善補不足



韋廉士大醫生

昌行何友華生翁知余有疾贈我韋廉士大醫生紅色補丸數瓶勸予試服因其情摯懇切照方服之乃服了一瓶之後即覺大有轉機蓋腰痛經已大減食量漸增而晚上亦可安睡矣服了第二瓶之後則氣雄力壯也用是日之得直全體復元諸病不生晚上惡夢均歸無何有之鄉然後已予今可爲報聊贖數言以彰盛德亦以爲有病者告 韋廉士大醫生紅色補丸名聞大陸善補不足大凡男子操勞過度或酒色傷身者服之莫不奏効如

神又能立愈一切 氣虛血弱 先天不足 後天失宜 半身不遂 陽事不舉 食積不化 肝經不和 腎水不足 風濕骨痛 頭昏頭痛 山林瘴氣 諸般瘡瘍 每逢發熱下痢感冒之後須調補者均宜 女子經來各痛月信不調者服之立見經調痛止 小兒虛弱多病者服之立見肥壯 各處藥店均有發售 每樽價銀一元五角 每六樽價銀八大元 不論遠近一律不取郵費 上海九江路B字第八號韋廉士醫生藥局啓

瑞林祥元記 綢緞洋貨莊

本號開設(北京前門外鮮魚口)(天津估衣街中間路北)(山東濟南府院西路北)等處目置綢緞洋貨顧繡粧花素貢絨絨各色抖蓬哈叻厚呢以及京廣什貨織絨綫貨各色俱全貨高價廉劃一不二中外 紳商賜顧移玉是幸 瑞林祥元記具

天津商務印書館

**訂正羣學肄言**  
 嚴又陵 又  
 此書前所以治羣學之遺術書戶十六篇前經嚴又陵先生詳出行使世傳受海內歡迎茲經重加訂正以版補本館洋裝精緻大為收觀每册定價一元

**女子國文教科書**  
 高小等  
 本館前編初等小學女子國文教科書八册一年間已疊六版近又承學部審定其價值可持衛生首書之尤詳全書四册先出第一册定價女子必需之道德者編為主編於家政工術衛生等書四册定價二元

**近世化學教科書**  
 學部訂改  
 日本大幸勇吉著 李季烈譯  
 世化學日新月異盛記憶之學科漸變為推理之學科故教授之法實與理論不可偏廢此書凡化學中實驗理論之關係已詳說其詳每册定價八角五分

**初等代數學**  
 查理 斯密  
 王家漢譯 考天校  
 是書久已膾炙人口於譯述之時 說力求顯明問題時有酌易蓋深得原書之精意而不拘守原書之面目最適於我國之用每部一元二角

**初等三角法教科書**  
 編新  
 日本飯島正之助著 周藩譯  
 上篇述銳角之圖兩數下篇述普通三角之圖兩數定善本也每册定價二角

**家計簿記教科書**  
 鄭富  
 奏定高等小學章程列簿記於算術科是書就家計以發凡詳論簿記之法書分九章就吾國通行舊例參以各國新法於改良之仍以通俗通用為主既可作學堂教科書即使居家者經商者職司會計者觀此書亦甚有益每册八角

**新法英文教程**  
 鄭富  
 此書寓文法於讀本使學者易於領悟而於文法入部之總則及其文讀之時間尤為注意每句詳解清晰未附釋義及解字兩門凡用鈞體字處可被釋義其難字可檢解字使閱者一目了然每册定價八角

**日語讀本**  
 堀維文  
 內堀維文君現任山東高等小學堂日語教授歷年既久閱歷尤深故以其經驗材料編成此書體例清程度適合為學日語者之寶也每部四册裝一元四角

**鉛筆習畫帖**  
 小勒等  
 本館前出高等小學繪畫習畫帖已承學部審定是書編繪之法與前書相應而筆法甚為簡易便於初學臨摹每册四册每册各二十圖第一册均單簡形體以次循序漸進至第四册乃及陰影濃淡之法初學極易入手全部定價四角八分

**鍾乳調體**  
 林譯  
 英國哈葛得原著  
 此書大致似露中人出於老獵戶戈德門自述無歸本其享利之友愛乃以尋覓其弟之故至於犯療癩絕沙漢飢渴而死成所不惜體之足以愧天下之閱者每部二册定價六角

**天囚懺悔錄**  
 林譯  
 是書叙一人誤殺其友出亡天良文圖苦備後流落荒島自力自備修改行為善本持齋終其間航海救其友及孤島中生活以及男女愛情筆意纏綿悽惻動人每册定價五角

**匈奴奇士錄**  
 新譯  
 向加利寶珂摩耳著  
 一摩陀爾人有妹為食王所誘終至被棄而愛情至死不滅不許其兄報讐奇士誘惑一公爵思獲其夫人設種種奸謀不特遠公爵夫人卒歸與摩陀爾人情離奇離奇古雅每册定價四角

**模範町村**  
 新譯  
 日本農學博士橫井時敬原著  
 此書以故良地方自治之理想假託一人久客歸鄉所見所與從前大異所說事實均依據學理可見實行今吾國地方注意地方自治此書頗實模範不啻僅作小說觀也每册定價三角

啟新  
告廣司公限有灰洋



啟者本公司係承唐山洋灰公司老廠另購外洋最新式機器旋密等創設  
 新廠自丁未臘月新廠開機以來出貨加增行銷愈廣灰質經本廠西洋化驗  
 師悉心研究精益求精會寄由德國國家栢林及日本關東都督府各化驗所  
 驗得勁力堅力及凝結時刻灰之粗細均合要工所用其成色與外洋最高之  
 貨相等尚有機器製造之缸磚花磚洋灰五水溝管矸子土等項無論躉零交  
 易均可本公司總理處設在天津海大道英租界並在天津奉天大連烟台牛  
 莊青島上海漢口南京鎮江各埠均設有經售處如蒙賜訂大批價值從廉  
 交貨不悞期限所有洋灰及各種磚瓦等件重量式樣大概用法另刊有華洋  
 文廣告 光顧諸君請向本公司索閱面議一切可也  
 德律風一千三百零九號

啟新洋灰有限公司磚密招股滿額廣告

啟者本公司前經登報添招磚密股本三十萬元截至三月十五日兩個月期限認股業已滿額凡有未交股本務  
 請照章於收股限內繳齊五月十五日以後一律截收此布

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額  
 磁銅料器瑤藍 奇巧美術玩器 學界文房用品 旋行携帶等件 精工鑲身物料  
 定織各色應氈 現又擴充樓房 極其寬闊高大 如蒙官商光顧 價值格外從廉  
 本行隨便入覽 電話一千三百七十四號 天津法租界 武齋洋行謹啓

### 河南洛潼鐵路公司駐津付息廣告

本公司定章每股五元每元週年七釐行息迭經廣告現當付息之期所有本埠去年十一月以前所收股款應於去年起息者統限於本年三月內付息各股東務持本公司收據前來支取幸勿遷延再洛潼路綫業經勘定不日開工有願續入股款者請仍赴天津河北中州會館招股處交納可也切切此佈

### 平和戒烟醫局廣告

啓者敝同人創設戒烟醫局原屬拯濟為懷欲將天下人沈疴洗淨盡無各博施濟衆堯舜不能且為日甚長的款無着是以原定章程酌收藥資以助經費前因開局以來到局戒烟者固不乏人而因此觀望者仍屬不少故本局公議自二月初一日起至三月底止特贈醫三個月以示普濟之意刻下期限屆滿戒烟者百數十人在局服藥者尚有百數十號成效已著人所共知不待本局贅述也本擬再行續贈特因經費不敷力與心違倘長此不收藥資斷難經久萬一半途而廢是公益之舉不但有始無終亦非本局樂善好施之本意茲復公同再四籌商仍議定照舊章辦理除三月內掛號服藥者仍贈醫不計外凡自四月初一日起來局戒烟之人必須先交藥資十兩如有不能現交者必須覓有妥實舖保力為擔承方准掛號其煙癮過大用藥較多者隨後核算至多亦不過再取藥資一二十金至癮斷之後捐助本局經費則視乎本人之力身體面耳凡有志戒烟者須知本局收取藥資乃係不得已之苦衷本局設立既久名譽效驗昭昭在人耳目想為諸君所共悉而共諒也此佈 平和戒烟醫局告白



本行開設天津上海香港志呢華海參歲等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶鑽石戒指留耳墜鐲子表墜大小八音盒並留聲話匣單雙桶千里眼砑蘭磨花穿衣鏡妝梳洋鏡大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也 本行主人啟

### 北洋藥州官礦公司設立接待處廣告

啓者本公司現時暫任玉皇閣工藝局內附設頭門以內立有接待處凡遇紳商士庶枉顧或繳股款或取息銀均請逕到接待處晤談該處派有安員專司其事又漁業公司接待處亦附設在內凡來賓因漁業事件惠臨者均一律辦理此啓

# 本局印售各種書籍圖畫目錄

登衷學堂字課圖說

天文歌略

地理歌略

地球韻言

小學韻語

蒙養學堂百課

最新初等小學國文教科書

初等中國歷史教科書

心算初學

最新初等小學筆算教科書

初等小學筆算教科書教授法

忠經

英文學隅

東文典問答

地文學問答

皇朝政治學問答增校初二編

節本泰西新史攬要

筆算教科書

數學上編

普通新智識課本

中等植物教科書

中學礦物教科書

高等小學博物教科書

生理衛生學

化學教科書  
中學地理中國誌

八本洋二元

一本洋三分

一本洋一角五分

一本洋二角

一本洋一角五分

一本洋四分

一本洋三角二分

二本洋一元

植物學教科書

皇朝政典舉要

萬國憲法比較一本

法學通論

萬國通商史

新爾雅

康熙幾暇格物編

周禮政要

明夷待訪錄

普通教科書目提要

科學書目提要初編

心算教授法

萬國公法提要

甲辰學報彙編一百種

乙巳學報彙編

丙午學報彙編

全年學報彙編

農學新書三十五種

日本栽桑捷法

美國養雞法

農務述聞

畿輔輿地全圖

御製耕織圖

朝鮮輿地全圖

一本洋二元

一本洋五角

一本洋五角

一本洋七角

一本洋二角

一本洋三角五分

二本洋四角

二本洋六角

一本洋二角

一本洋五分

一本洋一角五分

一本洋三角五分

四本洋一元

五十本洋二元七角

四十本洋四元二角

廿四本洋四元八角

廿二本洋五元六角

一本洋一角二分

一本洋四角

一本洋三角六分

六扇屏洋二元

二册洋五角

一張洋一元

一册洋一元

三十二張洋一元  
一張洋八角

# 本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

## 本局售報價目

本埠售價官報按日一册每月三十册收價銀六角零購者每册洋銀二分  
 法政學報十日一册每月三册收價洋六角零購者每册二角  
 兩種合購每月收洋一圓二角  
 各州縣報價交銀者除額定銷數照舊收銀九錢外額外分購者統照本埠售例

## 德盛洋行告白

啓者本行在德租界德國提督本宅內所拍紅色絨客房一堂日本竹器傢俱一堂大立櫃一座黑色木寫字台一座大穿身鏡一架大銅床一座賽擺架一架廚房所用器具無一不備並乾隆老年各花樣古磁超等坐鐘一架各樣零用物件無一不全是日請諸君早臨是幸  
 西歷一千九百九年六月十六日  
 宣統元年四月二十九日 即禮拜二下午三點半鐘

## 工商演說廣告

啓者五月初三日晚八鐘至十一鐘仍在東宣講所內演說工商各項要理並請劉巨川先生續演生財有大道韓鏡湖先生演說發電機之製造與功用紀管泮先生續演銀錢漲落之理李子鶴先生續演商業機關釋務希各工商屆時 惠臨入聽不取分文特此佈告

天津勸工陳列所啓